

佛说八大菩萨经

宋西天三藏朝散大夫试光
禄卿明教大师法贤奉 诏译



南無本師釋迦牟尼佛


说 明

本简体校正版《佛说八大菩萨经》电子书，根据《乾隆大藏经》宋元入藏诸大小乘经，第 0992 部，宋西天三藏朝散大夫试光禄卿明教大师法贤奉诏译《佛说八大菩萨经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年八月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说八大菩萨经

宋西天三藏朝散大夫试光

禄卿明教大师法贤奉 诏译¹

如是我闻：

一时，佛在舍卫国·祇树·给孤独园，与大苾刍众千二百五十人俱。

复有八大菩萨摩訶萨，其名曰：妙吉祥菩萨摩訶萨、圣观自在菩萨摩訶萨、慈氏菩萨摩訶萨、虚空藏菩萨摩訶萨、普贤菩萨摩訶萨、金刚手菩萨摩訶萨、除盖障菩萨摩訶萨、地藏菩萨摩訶萨，以为上首。

复有诸大菩萨摩訶萨，其名曰：

无能胜菩萨摩訶萨、龙相菩萨摩訶萨、喜意菩萨摩訶萨、无垢藏菩萨摩訶萨、无垢称菩萨摩訶萨、智王菩萨摩訶萨、无边军菩萨摩訶萨、智光菩萨摩訶萨、慧光菩萨摩訶萨、慧灯菩萨摩訶萨、智灯菩萨摩訶萨、梵授菩萨摩訶萨、天冠菩萨摩訶萨。如是等诸大菩萨，皆来会坐。

尔时，世尊告舍利弗：“汝今谛听！过东方恒河沙数世界，有一佛刹名无能胜，彼土有佛，

¹ 大正藏：西天译经三藏朝散大夫试光禄卿明教大师臣法贤奉 诏译

名善精进吉祥如意、应、正等觉，现为众生说微妙法。

“复次，舍利弗，又过东方十恒河沙世界，有一佛刹名曰无我，彼土有佛，号普照如来、应供、正等觉，现为众生说微妙法。

“复次，舍利弗，又过东方三恒河沙数世界，有一佛刹名曰善爱，彼土有佛，号吉祥如意、应²、正等觉，现为众生说微妙法。

“复次，舍利弗，又过东方三十四恒河沙世界，有一佛刹名寂静藏，彼土有佛，号印捺啰计都³特嚩惹王如来、应⁴、正等觉，现为众生说微妙法。

“复次，舍利弗，又过东方五恒河沙世界，有一佛刹名曰离尘，彼土有佛，号喜功德光自在王如来、应⁵、正等觉，现为众生说微妙法。”

佛告舍利弗：“若有善男子、善女人等，于此经中，闻是诸佛如来名号，一心谛听，或自忆念，或书写、读诵、为他解说，彼人命终不堕恶趣，不生边地、邪见、诸恶律仪、下贱族中，亦不生于长寿天中，亦不生于五浊恶世、饥馑、疾

² 大正藏：应供；永乐北藏及龙藏：应

³ 大正藏：睹；永乐北藏及龙藏：都

⁴ 大正藏：应供；永乐北藏及龙藏：应

⁵ 大正藏：应供；永乐北藏及龙藏：应

病、刀兵劫中，亦无王难、水难、火难、贼盗、虎狼等难。常生佛刹及天上人间，身相端严，诸根具足，眷属圆满，得宿命智，具六波罗蜜，行四无量法，通达一切甚深法藏，成最上道。”

佛说此经已，诸大菩萨、舍利弗及诸苾刍、天、人、阿修罗等，闻佛所说，皆大欢喜，信受奉行。

佛说八大菩萨经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼啰. 娑麼啰. 弭麼曩. 萨嚧诃. 摩诃斫迦啰嚧吽.

(以下合掌三称)

南無东方无能胜世界善精进吉祥如来

南無东方无我世界普照如来

南無东方善爱世界吉祥如来

南無东方寂静藏世界印捺啰计都特嚧惹王如来

南無东方离尘世界喜功德光自在王如来

南無妙吉祥菩萨摩诃萨

南無圣观自在菩萨摩诃萨

南無慈氏菩萨摩诃萨

南無虚空藏菩萨摩诃萨

南無普贤菩萨摩诃萨

南無金剛手菩萨摩诃萨

南無除盖障菩萨摩诃萨

南無地藏菩萨摩诃萨

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰

三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚

空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
 上报四重恩 下济三途苦
 若有见闻者 悉发菩提心
 尽此一报身 同生极乐国

十方三世一切佛，一切菩萨摩诃萨，摩诃般若波罗蜜

三皈依

(一遍)

自皈依佛，当愿众生，体解大道，发无上心。
 自皈依法，当愿众生，深入经藏，智慧如海。
 自皈依僧，当愿众生，统理大众，一切无碍，和南圣众。



此咒置经书中可灭误跨之罪

南无护法韦驮尊天菩萨

